

# MY BIBLE FIRST

PRIMARY YEAR A  
Q 3 #35

## A Dahhuai Khialhna

### SUNDAY


**1** Israel tate gamlak-ah kum 40 a khualzinna uh a man zo ding hita hi. Amaute taakkikta uh hi. Tua a kipan, Moses in Herob suangpi a sat ma ciang dong amaute in tui neilo uh a, tu-in a kisap zahzah uh ngah ta uh hi. Kum 40 sung tawntung amaute kikhin kawikawi uh hi, Pasian in amaute' giah-phual satna khempeuh ah tui pia hi. Hih dan in tui a ngah den dingin amaute in lam-en uh hi. Amaute in a lamdang Pasian' nasepna a mangngilh uh zong hi thei ding hi. Amaute in Pasian' tungah lungdam ding phawkkha lo uh hi.

Ahi zongin Kadesh giahphual hong tung uh hi, tua lai ah tui omlo hi. Pasian tungah thunget ding a phawkkha uh hiam? Phawkkha lo uh hi, tua sang sik-in, bang hih uh hiam? **Gamlakvakna 20:1-3** sim in.

Amau' septe-in i zakna dan tawh a kibang hiam? Amaute' kisapnate a ngah nadingun Pasian a muan dinguh khatvei nial leuleu uh hi. Ahizong amaute a phunciak ma un Moses le Aaron in ahih dingte uh sem khin uh hi. Pasian in bang hih dingin gen hiam? **Aneu. 6-8.**

Tu hun in Moses sepnate leh suangpi pan tui a phul sakna a kilamdanna na phawkkha hiam? A kilamdang bang hiam? Tu-a na-ah Pasian' sawl banglian in Moses in ahih takpi hiam? **Aneu. 9-11.**

Moses in a lungduai duai loin, tua in paulap hoih hi ding hiam? **Aneu 12.**

 **NGAIHSUN-IN:** *Banghang in Pasian in Moses tungah hizah baksatna tungsak hiding hiam? Mite in mawhsak lo uh ahi hiam? Tua kumte sungin*



### KAMNGAH

Leitung panin a hong kikhaitoh ciangin ka kiangah mi khempeuh ka lato ding hi. **John 12:32, ZSV.**

**And I, if I am lifted up from the earth, will draw all peoples to Myself. John 12:32**

*Moses lungduai mahmah hi. Tu-in Caanan gam sungah mite lutpih thei nawn lo hi. A sia mahmah a ma' nasep in bang himawkk hiam? Lungtom ding pen baih lua hilo hiam? Na khat na deih leh, tu in nahih pah hiam? Tua na deih khat na ngah loh ciangin na lungkia ngei hiam?*

### MONDAY

**2** Zanni a tangthu sunga a piang taktak thu tawm-khat ngaihsun dihi ni. A masa pen in, sawtpi lai-a Moses in a khatvei satna suangpi in deihna tuamvilvel khat nei hi. Biakbuk sunga na khempeuhin Jesu' thu agen mah bang ahi hi.


Jesu pen khatvei bek sat ding ahi hi. Kammal dangin, Amah khatvei bek si ding hi. Ahang in eite' tangin hong si ding hi. Eite in mawhmaina ngahin Satan tawh i kigamlat theih nading huhna i ngah ding hi. Eite in Ama' kiangah i ngen dinga, Amah i "hopih" ding hi. Ama thu leh Lai-Siangtho i sinna tawh Ama kiang pan i "dawn" ding hi. Moses in suangpi nihvei a sat ciangin tua suangpi tawh kisai a khiatna hoih pen susia hi. **1 Cor. 10:4** sunga Paul' genna sim in.

Tua ban-ah, mite-in na khempeuh ah Moses mawh-sak uh hi. Moses in, “Note’ adingin hih suangpi pan tui hong phulkhiasak ding ka hi uh hiam?” a cih ciang-in mite in Moses mawhsak pah ngeingai uh hi. Tu in Moses zong hih thusiate ama hang hi, cih kiphawk hi.

Makai khat in thu a manlohna thu i sin khin hi, hih in thupi mahmah hi. Thumanna pen thupilo hi ci-in mite in ngaihsun kha thei ding hi. Moses in a khialhna hangin paulap a zong hiam? Zong lo hi. Ka mawh khin a, Caanan gam sungah mite lutpih ding hong kipha lo hi, ci-in miteng kiangah gen hi. Mawhna neu cih omlo hi. Pasian in makai hihna tawh mawhna maisak hetlo hi. Moses pen tu-in a lung kham mahmah hi. Ahi zongin Pasian pen thutang hi, ci-in mite’n thei uh hi.

 **NGAIHSUN-IN:** *Moses in a khialh lam a kiphawk ciangin kipulaak in a kipuahpha hiam? Eite in i khialh khak ciangin bang i hih zel hiam?*

## TUESDAY

 Edom kuamteng pen Jacob tawh a peeng asang-gampa ahi, Esau’ tate in luah uh hi. Pasian in Israel mite Caanan gam alut nadingun Edom lam tawn dingin gelsak hi. Tua hi-a Moses in Edom’ kumpipa kiangah thudam takin laikhak hi. **Gamlakvakna 20:14-17.** Bang ci thukkik hiam? **Aneu 18.**

Israel mite in khatvei a ngetkik uh ciangin bang dawnna ngah uh hiam? **Aneu 19, 20.** Amaute in Pasian muang in, phunlo hile uh, Pasian in Edom gam sungah lungmuang tak-in paisak ding hi. Tu-in amaute in lam haksa zaw leh agamla zaw tawnin pai kha uh hi.


Pasian in Edom mite do ding gen ngeilo hi. Tua lai-a omte in a vekpi un Pasian nusia khinlo uh hi, tua hangin tua mite suksiat ding hilo hi.

Hor Mual atun uh ciangin, Pasian in Moses kiangah Aaron sih hun ding tungta hi, ci-in gen hi. Aaron in siampi lianpen sem lai-a, biakbuk sungah Jesu limcing ahi hi. Amah’n Pasian it in, Moses zong huh mahmah hi. Mite in tamveipi ama’ dah nading a bawlkhak uh hangin it mahmah uh hi.


Ahi zongin Aaron in Sinai mual gei ah, kham bawngno lim bawlsak in mite’n bia uh hi. Tua ban-ah, Miriam tawh kipawl in Moses le Zipporah phunsan uh a, Moses in suangpi nihvei a satna ah va pawlpah hi. Pasian in amah it-in a mawhna maisak hi; ahih hangin mite in mawhna a siathuaizia a theih ding uh kism hi.

Unau nihte leh Aaron’ tapa Eleazar, Hor Mual tungah dam takin hong kahto uh-a, mi khempeuh dahna tawh kidim uh hi. Amaute in Aaron mukik nawnlo ding cih thei uh hi. Moses le Eleazar hong tuaksukkik ciangun, Eleazar in siampi lianpen puanpi silh hi. Mi khempeuh in Aaron si khin cih thei uh hi.

Moses le Eleazar in mual tungah vui uh hi. Dahpihna lahna in, mi khempeuh in Canaan gam lam manawh-in a dinkhiat ma un ni 30 sung dah in a kap uh hi.

 **NGAIHSUN-IN:** *Liamma, meima pawn a nei khatpeuh na thei kha hiam? Meima pawnte beimang ngeilo hi. Meima-pawn thu i dot ciangin mite in a liamdan hong gen uh hi. Mawhna in apawn hong nusiat hi. Pasian in eite’ mawhna hong maisak napi, mawhna i lungsim le pumpi ah nasem a, i mawhna in midangte nasak pahpah abih manin Pasian dah hi. A sawt lo ni khat ni ciangin mawhna khempeuh beimang tading hi.*


## WEDNESDAY

 Israel mite in amaute’ gal lianpen in, amau mahmah ahih lamtak uh theilo uh hi. Amaute a phun tawntungna hangun Pasian in amaute a huh nopna panin a khaktan suak zawsop hi.


Canaan gam mong a tun uh ciangin, koi gamte susia dinga, kua mite sukha lo ding cih gen sitset hi. Banghang in tuaci sep hiding hiam? Banghang hiam cihleh tua gam mite in Satan’ thu zuh ding mah teel lai mawh uh hi. Lamet a om khak aleh, Pasian in amaute kikheel nading hunpia nuam lai hi.

Canaan gam mi khempeuh in Israel mite’ thu leh Pasian in amaute a kepziat thei khintek uh hi. Amaute in Pasian’ thu a theih nang hunpha nei uh hi. Ahi zongin a tamzawte in Satan’ thu mang uh hi. Amaute kam-a gentheihloh zahin gamtatsia hi. Tuicin tun ma-a Sodom mite bang uh hi. Pasian in kuamah susia nuam lo hi. Kuate cik mah hunin kikheel ngeilo ding cih Amah’n thei hi. Amaute in a lipkhaphuai natna bangin, minam dangte lawh uh hi. Amaute suksiat kul hi.

Israel mite khualzinna pan hong tungta uh cih thu, Canaan khuapi a kumpipa in a zak ciangin amaute a mu dingin a galkapte tawh hong paikhia uh hi. Bangthu piang hiam? **Gamlakvakna 21:1-3.**

 **NGAIHSUN-IN:** *Mi tampite in Pasian pen agilo in ngaihsun uh hi. Gilo lo hi. Pasian in aboih pen ding thei hi. Amah in mi kim it-in, thutang tawntung hi. Amah i muang ding hi. Pasian le Satan kido takpina thu eite in i phawk tawntung ding ahi hi. Satan abih leh cikmah hunin thutang ngeilo pa ahi hi.*

## THURSDAY

 Banghang hiam cihleh Edom kumpipa in, Israel mite ama’ gamsung tawnsak ahih manin, Pasian in Canaan gam a lutsak nadingin a gamla zaw lampi ah paipih masa hi. A olno khualzinna hilo hi.

A sawt loin phun kipankik hi. Pasian in amaute bangzah takin huh himah leh amaute in theithe lo cih Pasian in mu hi. Amaute ading an le tui citak takin pia

den a, amaute a kipan a tuute leh a bawngte uh a susia thei gamsate, gul gu neite, leh mei gulte panin Pasian in dal in kem tawntung hi.

Tu-in amaute in a thupha sanzia a phawk theih nangun, Pasian in gul gilote' siatna pan dal nawnlo hi. Oh, gul in tu ziahziahi hi! A sawt lo-in si mangkhin ding uh hi. A thum atau nate uh tu-in bangmah hi nawnlo hi. Mi khempeuh lau-in ling uh hi. Lungmuanna a nei kuamah om nawnlo uh hi.

Mite Moses kiangah hong taai uh hi. Amaute in bang gen uh hiam?




**Gamlakvakna 21:7.**

Pasian in bang hih dingin Moses gen hiam? Tua teh bang piang hiam? **Aneu 8, 9.**

A lamdang damsakna hilo hiam! Koi bangin nuntakna neilo, dal-gul in a si mite thakhat in damsak mawk hiam?

Pawlkhate in khatna neilo hi, ci-in ngaihsun uh a, tua hangin gul kikhai en nuamlo uh hi. Amaute si uh hi.

 **NGAIHSUN-IN:** *Pasian in hong hubna thuphate phawk lo-in nuam i sakna pan tua thuphate Ama' kiangpan abih lam i theih nadingin khat veivei hong lakkhiatsak hi. Tua thupha phawk tawntung-in, i lungsimte lungdamna tawh kidimsak ni.*

## FRIDAY

**6** Dalgul in bang khatna nei hiam? Tua dal-gul etna hangin sihna apiangsak gul gilote-in atuk mite' nuntakna koi bangin honkhia thei ahi hiam? Hi thu ngaihsun di in.

**Mangmuahna 20:2** ah Lai Siangtho in Satan bangci sap hiam? Mawhna hong tun ma' in, Adam le Eve in Pasian' thukham mang uh hi. Ahi zongin mawhna hong tun khit ciangin, thu manloh ding hong tam zaw ta hi. Tu-in mite kisappen in Pasian' geelna ahi Jesu' huhna tawh Pasian' thukham man ding ahi hi.

Tua hi-a, Jesu in eite hong huh thei hi, Amah mi bangin hong piang hi. Mihingte in Pasian' tungah i kingak nak leh Thupiak Sawmte kizui zo lua a hihna Jesu in hong lak hi.

Tua bek hilo hi. Mawhna bawlana hanga i ngah in sihna hi-a, leitung i mawhna thaman Jesu in hong piaksak ding ahi hi. Mi khempeuh in nuntakna leh sihna ateel theih nadingin, a lipkhap huai sihna Amah in hong thuak kul ta hi. **Rom 6:23.**

Jesu' hong sepsakna hangin Amah um in, leh Ama' hong kamciam a lamdang nuntakna letsong i ngah thei hi. Eite in Satan kiang pan i suakta thei ta hi. Tu in, azom-a laikhawk a awngna sungah na minte gelh in.


Satan in "\_\_\_\_\_ in mimawh hi." "\_\_\_\_\_ in kei a hi." "\_\_\_\_\_ in kei dana a si paisuak dingin kilawm hi," ci hi. Jesu in "Hi mah hi, \_\_\_\_\_ mimawh hi." "Ahizong \_\_\_\_\_ in nang-a' hilo hi." "\_\_\_\_\_ in keima a hi, ahang in \_\_\_\_\_ i mawhna thaman ken ka pia zo a, \_\_\_\_\_ ka lei khin zo hi. Kei ka si khin hi. Siktukilh hanga meimapawnte ka khut ah en in. \_\_\_\_\_ ading ka sepna hi. \_\_\_\_\_ in nangma' sila pan suakta khin hi. A sawt loin, \_\_\_\_\_ in kei tawh a tawntungin nungta khawm ding hi. Nisim-in, Keimah hong batsem nading a sinna ah \_\_\_\_\_ ka huh ding hi."

**John 3:14** ah Jesu in bang gen hiam? "Kikhai" a cih in bang deiha nei hiam? Jesu tawh kihopa in gamlak-

a dal-gul kikhai thu thei hi. Hih in mihingte a pet gul tawh kibanga, tua mah bangin Jesu in mawhnei mihingte tawh kibang dingin leitungah hong pai ahi hi. **Rom 8:3.** Gamlak ah dal-gul kikhai mite in en-in gul gilote tukna pan damna a ngah mah bangin, Jesu singlamteh tungah khaina thuak in kithat dinga Amah a en mi khempeuh in tanglai gulpi ahi, Satan, Dawi mangpa' tukna panin damna ngah ding hi.



Moses in a tawi gul a-et uh pen singlamteh tungah eite' adingin a hong sepsak Jesu i etna tawh a kibang ahi hi. Amah a um a muang mi khempeuh Amah'n honkhia ding hi.

 **NGAIHSUN-IN:** *Satan in eite khempeuh hong pet hilo hiam? Abih hangin amah in Jesu pet thei ngeilo hi. Pet thei hileh Jesu zong mawhnei mi suak dinga, eite' adingin hong si in mawhna thaman hong piaksak theilo ding hi. Amah in hibanga hong sepsakna hangin, "Lungdam ing Jesu. Lamdang lua teh?" hong cisak nuam hi, nang na ci nuam takpi hiam?*

**FURTHER STUDY:** Numbers 20:1–21; 21:1–9; *Patriarchs and Prophets*, pp. 406–432; *The Story of Redemption*, pp. 164–169; *The Bible Story*, vol. 3, pp. 42–57.





## THE STORY CORNER

# Minute Khat Aval-in - Khen 1

Adapted from *Scrapbook Stories* by Amy Sherrard

**L**arry in a sanggamnu leh a nu tawh zingan a nek kawmun, “Nu aw, tuni koi ah i pai tam,” ci-in dong hi. A sanggamnu Heidi in zong, “Hih mah ei, Nu! Heh-pihna tawh hong gen o,” ci hi. Ahi zongin a nu nuikawm in, a lu kunsuk hi.

“Upmawh loh khat hi.” I pusuah ding hun nai 10 a sat lian ciangin lengla inndeih ah a vek in kong gen ding hi.” Hih pen Nu khempeuh i gen ding ahi hi.

Larry in a nai en in “Hoih ei, Heidi, lungnimawh ke’n, a sawtlo in thei ding hihang,” ci hi. Tua ciangin tawlet en in sabuai tungpan diangkha hi. “Hiah Clar-ley hong pai hi, nasepna mun kikupna ah ka lah ding khat kamciam khin ing.” Tua ciangin Larry alawm tawh tawmvei sung paikhia uh hi.

Pasalno tegel nai 9 a sat madeuh ciang kimawl uh hi. Tua ciangin nai 10 adinga inn ciah-a kithawi ding sangin Larry in lai-leng khat bawl ding ahun om lai, cih ngaihsun hi.

Larry in a nai en kik-in, patau gawp hi. Nai 10 a s a t zawh minute 3 pai ta hi. Manlang tak-in inn ah hong taai a, leengla inndeih ah kuamah a muh nawnloh ciang in a lungsim tawldam zawdeuh hi.

“Heidi, koi ah om nahia?” ci-in Larry awng hi. Kua mah’n dawnglo hi.

A nu lupna inndeih lam ah Larry taai to hi. A nu a paikhia dinga kithawi hidingin ngaihsun himah leh inndeih sungah kuamah omlo hi. A nu le a sanggamnu a om nonloh vat pen um zolo hi. Ahun lah nai 10 sat khin deuh bek hi. Amaute a phak nangen taai-in hong delh ta hi. Ahizongin amau koi ah pai cih thu thei lopi a taai ahih lam hong kiphawk hi. Koi lampi zui-in taai ding cih ngaihsun thei lo hi.

Amaw’ inn a ahuh Jane anhuan buk sungah om hi. Tua nu in Larry ading lungnoppih lo himah leh, a lungdamna khat ah Larry in amah thu bangmah dong lo hi. A nu leh a sanggamnu omna nitak annnek hun

mateng a genlo dingin Jane in kamciam pia khin hi.

Larry lungkia-in kap-a a khitui Jane in amuh ding ut lo hi, tua ciangin nasepna mun ah a laileng bawl dingin paikik hi; tua sungin Larry in thu khat ngaih-sun hi. A sawt loin amaute inn hong ciah ding uh a, tua ciangin Larry in hun tomno khat sung nong ngak-loh uh thutanglo hi, ci ding hi.

Nitak an nek hunin Larry hong ciakkik hi, annnek sabuai tungah mi khat bek ading an a kibawl pen lam-dangsa hi. A nu in nikhat tawntung inn tawh kigamla mun ah paikhia hi. A mah koi ah om ahi tam maw? Khat tang kisa mahmah in, Larry, amah bek in an ne kha hiau hi. Jane pongmoh bek khat tawh hong tun ciangin, a nu’ omna atheih khak aleh ci-in dong hi.

Jane in dahmel in, agen ding laklawhsa in genkhia ta sam hi. “Larry aw, ka lungnuamlo hi, ahi zongin na nu pen tu ni ahizongin, zingciang ahizongin hong ciah lo ding hi. A taktak in, na nu leh Heidi pen Monday ni zingsang dong hong tunglo ding uh hi.”

“Monday zingsang!” Larry in a bil-a a zak thu up haksa sa mahmah hi. “Koi ah pai uh ahia?”

Tu in Jane in agen ding haksa sa hi. Larry lungkia lua ding cih thei ahih manin, amaute paina gen nuam lo hi. (Zop lai ding)



**Additional resources:** nature lessons, activities, music, Bible lessons, Scripture memory, and more.

**My Bible First** Copyright © 2015

**Phone:** 1-877-242-5317

**Web:** [www.mybiblefirst.org](http://www.mybiblefirst.org) • **E-mail:** [sales@mybiblefirst.org](mailto:sales@mybiblefirst.org)

*Unless otherwise noted, Scripture quotations are from the NKJV.*